

卷十八

藝裕隆號

富陽縣志卷十七

名宦志

昔光武平天下首舉循良論者謂東漢風俗之純實由此蓋令最親民司鐸丞尉皆佐令承流布化未有令循而民不感動者也蘇長公云吾州之俗民事守令如古君臣去輒畫像祠之而其賢者則錄其行事以爲口實至數十年不忘竊取此意爰撫孫吳以來賢守令之足爲口實者若而人著於篇而司鐸丞尉例得備書焉志名宦

孫吳縣長

虞翻字仲翔會稽餘姚人也初爲太守王朗功曹孫策征
會稽翻歸策復命爲功曹待以交友之禮尋出爲富春
長策薨諸長吏并欲出赴喪翻曰恐鄰縣山民或有奸
變遠委城郭必致不虞因留制服行喪諸縣皆效之咸
以安甯及權立以爲騎都尉數犯顏諫爭權不能悅後
忤旨謫交州十餘年卒翻在當時名重天下州舉茂才
漢召爲侍御曹操辟爲司空皆不就嘗作易注示孔融
融答書云乃知東南之美者非徒會稽之竹箭也又爲
老子論語國語訓注皆傳於世其行事俱載三國志本

傳不縷及舊

吳郡守

全琮字子璜吳郡錢塘人也黃武七年丹陽吳會山民復
爲寇賊攻沒屬縣權分三郡險地爲東安郡使琮領太
守治富春至則明賞罰招誘降附數年中得萬餘人一
境悉平及罷郡召還過錢塘修祭墳墓麾幢節蓋曜於
舊里請會邑人平生知舊六親施散惠與千有餘萬鄉
人以爲榮琮仕吳多戰功累官至右大司馬左軍師其

事績載三國志本傳

舊修

宋縣令

諸葛闡之元嘉中爲富陽令上議請禁夏至五色綵長命

縷之屬蓋邑令之勇於任事者

舊仍

齊縣令

何珣

咸淳志作洵

永明三年任富陽令定寇亂集散亡以德化

民邑以治稱見南齊書沈文季傳

舊仍

梁縣令

張盾字士宣以謹重稱爲湘東王記室出爲富陽令廓然

獨處無所用心身死家無遺財惟文集並書十餘卷酒

米數甕而已見南史張率傳

新採

唐縣令

郝硤貞觀初年任富陽令十二年開陽陂湖以蓄水兼造

水閘溉田萬頃惠利在民

咸淳志作郝其唐書地理志作郝某按地理志不詳其名

咸淳志因某而誤作其此疑爲形似之訛舊仍

李濬嗣聖十二年爲富陽令嘗築春江隄自莧浦至東觀

山三百餘丈以障水患築陽陂隄儲水灌田民咸德之

祀名宦祠

唐書地理志云李濬萬歲登封六年嘗築陽陂湖隄東自海西至於莧浦以捍水患按富

邑不瀕海而萬歲登封係武后丙申九月改至十一月又改爲萬歲通天並無六年之統疑唐書之誤舊仍

顧昇庠開元十年任富陽令建縣市平易近民民親之如

父母

舊仍

崔士元永泰元年爲富陽令居官一以文雅敷善政重建

學宮祀名宦祠

舊仍

鄭早貞元七年任富陽令嘗增修陽陂湖隄溉田益廣載

唐書地理志陳善曰早與郝公以一邑令所建置而特

見紀於國史其利民非淺鮮矣

按兩浙金石志富陽令鄭口錢塘定山題名在

元和四年舊仍

董伸咸通八年爲富陽令讀書好禮建城隍祠舊仍

趙訥咸通十年任富陽令能文章知政體建縣治廳宇十

四年築縣城舊仍

後唐縣令

陸仁章吳越寶正二年爲富春令性寬厚有果斷建通聖

侯祠舊仍

宋知縣

孫邁建隆中除大理寺丞知富陽縣沈厚有謀能斷大事

舊仍

周仁邈乾德五年知富陽縣勤於政事重建縣治

舊仍

齊唐字祖之山陰人少貧苦學登天聖八年進士嘗進龍

韜豹略賦士大夫覽者皆震讐兩應制科祕閣皆首選

兩對策皆第一當途忌其切直復排去遷著作佐郎知

杭州富陽縣改祕書丞累官至職方員外郎致仕熙甯

八年卒年八十七有學苑精英三十卷少微集三十卷

傳載張昞續

會稽志新採

邱荷康定元年朝奉郎守太子中允知富陽縣崇尚名節

扶植善類立郭侯廟碑

舊仍

黃彥字修中其先浦城人父挺爲吳縣尉彥熙甯中以王

安石經說與弟頡俱第進士知虹縣有古循吏風除楚

州教授宗正寺簿改富陽知縣爲政如在虹時乾隆蘇

州府志載有傳

新採

何去非紹聖四年以宣議郎出知富陽清儉率民修普照

寺塔

舊仍

吳怙知富陽縣勤敏有惠政建城隍廟崇甯元年加奉議

郎賜緋魚袋後祀名宦祠

舊仍

胡紡宣和元年知富陽縣政治有方四野樂業建秦望橋

四年開縣壕

浙江通志橋上樓舊仍

楊尙友字令德建州人宣和中知富陽縣不事苛察民樂

其政

舊仍

劉舉夔宣和末知富陽縣會方臘殘掠之後鼎新邑治百

廢具舉

咸淳志作劉夔舊仍

趙詵之字晉仲紹興閒以玉牒朝奉郎知富陽縣練達政

務一時有能名

舊仍

陸康民東越人紹興閒知富陽縣禁民游惰勸課農桑祀

名宦祠

舊仍

徐端輔紹興十五年知富陽縣修學校置學田建稽古閣

邑士爲之振起

咸淳志作瑞輔舊仍

孫徹紹興十七年知縣事整修學宮二十年開放生池舊仍

陳字字伯愛常熟人以父臺簿遺爲莆田尉得劇賊例當

賞字不屑以人命爲進階辭之調紹興府司法隆興中

改知富陽縣分差鎮江府糧料院知湖州提轄行在權

貨務晚知房州歸卒年六十一字孝友廉潔居母喪鬚

髮盡白撫愛諸弟每食必同席俸祿不入私室家無金

銀之器嘗謂先世以清白遺子孫豈惟富不可求亦所

不願也蘇州府志載有傳新採

章才邵字希仲建安人紹興三年從楊龜山先生學乾道

初知富陽縣以文章政事顯有題小隱山書堂詩

按咸淳志

作章才邵誤以楊龜山先生年譜正之舊仍

陸楠字國材長樂人乾道中知富陽縣善詩文修舉廢墜

關湖鼻山路作石闌記題名碑

舊仍

徐木字子才永康人乾道二年進士與陳聖嘉應仲實齊

名而子才尤卓著及得邑赴富陽陳同甫亮作序送之

蓋官箴有自來矣序載龍川集

新纂

縻師旦字周卿平江人年十七登進士第淳熙中知富陽

縣能文章達政體歲饑竭力拯拯全活無算卒贈正奉

大夫舊仍

范之柔字叔剛純祐曾孫乾道八年進士嘉泰初知富陽縣居官立身務以文正公爲法課士文行兼修擢高第者咸出講席下一時稱儒吏嘉定間以禮部尙書致仕

卒贈端明殿學士謚清憲祀邑名宦祠舊修

王積翁字留耕參政伯大之姪也嘗宰富陽治績爲諸郡

之最浙江通志載入循吏傳新採

沈栢字濟之吳興人淳興中知富陽縣勤於政事尤善吟

咏咸淳志作沈相舊仍

陳嘉猷慶元五年知富陽縣能文章有舉廢之功建擁青

亭舊仍

樓瀟四明人嘉泰中赴縣任建高風驛免魚行屠戶治戶
錢行都建檄邑以石版進輸歲數千計民苦之瀟上書

陳其弊既免役呂昭亮因爲記民懷其德祀名宦祠舊修

陳晃國嘉泰間任縣事嘗入府府君問以觀山渡之事初
觀山渡爲豪強所據民無敢散渡而從豪船渡者必錢
充人滿而始行名之爲買撲進士謝安頤控於朝禁之
豪以蹟已而權要欲起之以賂故爲之營營於大府府
君疑之晃國以實告且申文諸司以遏之而虎於水者

永絕新纂

呂昭亮嘉定初知富陽縣縣有石版之役財匱力疲民日以瘠樓公上書請罷之未獲命昭亮至預屬所知參政路公爲之陳情於宰執而率民投牒都堂據理爭之役以免乃原其始爲記以不沒樓公功并勒漕臺帥府二帖於石著爲令嗣建廳事築社稷壇民懷之祀名宦祠

舊修

程秘休甯人紹熙中進士嘉定五年知富陽縣惠心撫民清修課士恢廣學校修整譙樓勑會江驛以及公館重甃湖鼻山路植以石闌如舊嘗放生於通濟橋因名橋曰恩波美績茂著累官至吏部尙書翰林院學士宋史

有傳舊修

曾治鳳字君輝晉江人

府志宣德志俱作清源人今從陳震瑞麥記爲正

嘉定間

至任善詩文勤課士修湖鼻山夾道石闌爲義役法又

以民上秋苗多旁費請改輸銀以就簡民皆德之邑安

仁村產瑞麥羣請上之於朝治鳳辭而陳震爲之記以

比張君爲政麥秀兩歧之古謠焉祀名宦祠舊修

李彌高永嘉人嘉定中知富陽縣增修學宮建春江道院

於廳事東偏以講道藝政清民悅程秘爲之記舊仍

周晉字明叔吳興弁陽老人周密之父也善書體兼虞柳

紹定四年宰富陽未幾慈明太后崩梓宮百飾皆自承

辦不以一錢科擾民民稱爲周佛子擲節浮費修學宮

備祭器刻其模形於石治會江驛驛爲大閣顏曰清涵

萬象關縣圃鑿池建堂得雙蓮之瑞因名之爲合香取

古詩風合兩花香意也載周密癸辛雜識

新採

趙汝崖天台人系宗室景定四年至任清儉自持修縣獄

建迎秀逸雲澄江三亭

舊修

元縣尹

李質字子文大名人大德時任縣尹居官八載多美政教

諭董奕爲撰去思碑

舊修

夏仲與號節齋至治二年任縣尹有惠政泰定二年秩滿